

閩都記卷之二十八

郡人 王應山 纂輯

郡西南永福勝蹟

侯官龍湖西南為永福縣環縣治為儒學三狀元坊來薰
 樓總鋪虹井陳表臣宅龍窟鑑湖重光寺雙溪釣磯三清
 觀平政橋社稷壇山川壇能仁寺威濟廟極樂巖院越峯
 院高蓋名山院方壺巖黃龜年宅永安橋鐵券山湯泉渡
 大張山六洞仙山陳山白鶴仙巖林學蒙宅朱廷傑墓梁
 巖老墓荆嶺藍田宮曹溪巖龜嶺廟龍門三灘銀風宮滌
 門巡司獅子宮泐口渡香泉井嵩陽渡葛嶺鋪石壁太原

卷末

求放心齋

石湖太潭東新橋方廣巖林壁厓大小如山武狀元坊天臺
 山龍泉山鴈湖王翰宅靈慧廟枕峯寺趙令生祠

永福縣在磨笄山之陽去郡百二十里唐永泰二年析尤溪侯
 官二縣各一鄉置永泰縣宋崇寧間改名永福 國朝因之
 廣一百二十五里袤一百一十五里其地重岡疊巘溪流湍
 汎人烟稀少風俗儉質東抵侯官六十里西抵延平尤溪九
 十五里南抵興化仙遊七十里北抵閩清四十五里西南抵
 泉州德化一百里宋置三鄉領十四里元析為三十六都
 國朝初編戶三十六里合為九都統圖九縣名永泰始末
 有城嘉靖三年知縣何謙為城石基土墉厚丈許高一丈五



尺周七百二十丈後因倭患破城增建敵臺十其門東曰永泰南曰雙清西曰永平北曰通京萬厯十九年知縣陳思謨請于兩臺拓基增築城視舊稍高而固縣治建于宋初紹興間燬元至元間重建洪武初成化間更創堂廨宏治間正德間隆慶間皆屢更修葺府館在縣治南陰陽學在縣治北醫學在縣治東僧會司在重光寺道會司在香山堂際留倉在縣治南卽元常平倉城隍廟在縣治左洪武元年因元廉訪分司剏建

儒學在縣東宋崇寧初建建炎間燬知縣陳炎新之元大定盜起廟學俱廢理問王翰復之 國朝嘉靖間遷東臯山之麓

卷六

二

求放心齋

後復故址射圃仍在東門外文廟在明倫堂之西啓聖祠在文廟之北名宦祠在戟門東祀唐觀察常袞元攝縣事王翰二人鄉賢祠在廟門西祀宋黃龜年朱廷傑盧榕吳元美蕭國梁黃定鄭僑林羽元林泉生 國朝王偁凡十八

三狀元坊在縣治前舊在南門巷口爲宋蕭國梁黃定鄭僑建三人接踵大魁舊稱七里三狀元萬厯初移建今所

來薰樓縣南城樓也嘉靖初重修後燬于倭復建今改迎薰總鋪在縣治前由汰口葛嶺峽山剏嶺達于福清轉達于郡虹井在縣西又有古井在縣東北

陳表臣宅在縣治東表臣宋乾道中擢武舉知宜州以循良稱

時經畧張玠欲殺不辜希賞表臣獨持不可釋韋文仲等凡十四人

龍窟在縣治東隔仙掌一山地脈相貫每霖潦汎溢水由小溪先經鑑湖未至大溪而龍窟水已增尺許或云有龍居之

鑑湖在縣東北又名沖灣潭其深叵測邑人崇德令黃泰少與羣兒戲習水俄頃風雨大至有龍露一爪及泰肩泰以爲瑞匣置之

重光寺在縣南開平里唐大中二年建有放生池羅漢閣 國朝隆慶三年知縣陳克侯重建祝聖道場郡人王應時撰記

宋吳棫詩云上窮蒼石梵成蹊祖意誰參隻履西曉閣濃

卷天

三

求放心齋

陰雲散嶺亥堂清影月雙溪池開今日青銅鑑碑立何年碧玉圭靜覺官名微可笑南華經裏一醯鷄 明陳薦夫重光寺上方僧室翠微連碧欄流經玉殿前林下疎鐘驚落葉水邊新柳拂輕烟行看萬境還俱寂坐對千峯總是禪聞說勝遊多有賦幾人能擬慧休篇 曹學佺遊重光寺未向山城去先從野寺來沼重光自合廊密徑俱迴竹裏禪關隱蓮間覺地開明朝復移跡勝事日相催

雙溪在縣南西溪南溪源派非一俱滙于重光寺前入于東溪釣磯在縣治東嶽廟前有巨石平坦元王翰刻釣磯二字三清觀舊名東嶽廟宋端平元年更今名

平政橋在重光寺前宋紹聖四年始剏浮橋爲梁八十爲舟三十有六

社稷壇在縣治北十三都宋時建於縣之西南元大德六年移建今所 國朝洪武間重修

山川壇在縣南十二都元時附社稷壇 國朝洪武三年移建今所

能仁寺在縣西南舊保德里羣峯峭拔地介其中五代唐天祐二年建初名寄林僧無爽結廬于此清泰二年更名瑞峯宋政和中更今名有放生池

威濟廟在縣東南二里許神姓陳名必勝漢丞相平之後家于

卷五

四

求放心齋

郡城烏石山沒而爲神唐永泰二年初置縣溪潦暴漲有汛口祠所祀神刻像沂流而上邑人柯氏取之卽今廟之址累石爲屋祀焉樵牧禱祈往往石室中獲銅鏹宋開寶中號汛口通靈護境廟紹興元年賜今額廟左有二將軍祠 極樂院巖在縣東北十五里宋大中祥符二年建 國朝隆慶間重修

越峯院在開平里宋開寶元年建有玩芳亭邑令黃子理書扁并爲記 宋吳棫詩野僧迎客笑開關更拂殘碑蘚字斑徐姓仙歸空碧洞漢封王去漫青山影來秋月林千缺聲落春風水一灣焙茗滿甌須強啜過橋車馬使人間

高蓋名山院在縣西南二十都高蓋山下唐文德元年建五代
唐天成中賜額其山峯巒秀聳嘗有紫雲如蓋故名東西二
石室有高僧師二人坐化於此昇仙壇徐真君祠漢徐登趙
炳飛昇處真君上昇時棄鞭牛杉木于水簾前石上今高百
尺枝皆下垂每有雲氣從樹中出俗呼爲挿天松檜閩郊天
嘗封爲西嶽山有十奇玉華峯宴玉巖放雲峯水簾洞龍吟
池螺旋泉石竈歲旱禱雨多應鳳立臺龍都峯其下雙崖對
峙千仞宛若洞門峯之半有白巖金支山山之別峯也秀挿
雲表中有泉色如金故名 宋施常謁徐仙祠白雲來去自
閒閒鎖斷千山與萬山仙客已歸霄漢去虛堂流水漫潺潺

卷天

五

求放心齋

許將留題二室詩上得山來過石門謁靈特地乞真言再
三許我前程事敢不留詩荷聖恩 陳賜和前韻六題曾徹
九重門暫阻堯階奏萬言今日又蒙師許我漢廷當沛異常
恩 陳侍郎詩巖頂風雲常不散洞門日日吐烟霞濟時偏
解爲霖雨信是神仙第一家 良翰敘詩巨鎮標閩越靈蹤
肇晉齊空壇仙一去古洞佛雙棲化石龜猶在燒丹井已迷
塵襟誰復悟惟聽曉猿啼 明王應鍾詩苔蘚久封丹竈冷
徐仙蛻骨竟何如華池神水依然在尙見當年洗藥餘 玉
華壁立永陽東日照芙蓉五色紅我是神仙謝康樂不知何
處訪崆峒 陳邦注遊名山室聽法向支公松間一徑通鳥

啼花雨外猿叫薜蘿中
慧日斜臨水慈雲半倚空
禪棲鳥鵲定明月冷孤峯
陳薦夫遊名山室蘿逕繞孤峯
珠林隱梵宮路尋白雲處
人在翠濤中古洞閉殘雪
水簾開晚風共將真妄理
閒坐叩支公曹學佺詩
雙崑未曾斷強別東西隈
屢拂珠泉落驚逢石室開
寒潭非下湧古木是空栽
情境俱無著誰令客思哀

方壺巖在縣東南二十里
隋壁百仞下有負壑中產四足黃魚
大如指人不可取面對遠峯卽二妃山
明陳价夫從高蓋至方壺途中遇雪詩
林花歷亂鳥無聲萬壑千峯雪裏行
僧衲借人山罽煖茶鑪燒竹石泉清
攜將襪被裝雲去折得松

卷六

求放心齋

枝與鶴盟此境從來難再遇
肯因僵卧遜袁生曹學佺夏
至到方壺詩爲問山中境空傳海上名
閣臨雲樹盡泉出石巖清
疊嶂分他縣孤僧坐化城未須愁短至
佛日倍常明黃龜年宅在縣南
龜年宋靖康中殿中待御史攻秦檜不遺餘
力檜深憾之坐落職尋卒于家詳具宋史

永安橋在縣南安樂里

鐵券山在縣南仁榮里唐宗室李氏居之
鐵券藏于家上署侍郎韓愈押故名其山

湯泉渡在縣南二十六都溫泉臨溪澗大小二湯
大湯四池小湯二池男女分浴有渡連埔
又縣西十九都縣東待川里

俱有溫泉

天張山在縣南其山穹窿磅礴如貴人燕坐諸山環拱

六洞仙山在縣南山極秀聳有仙居之風雨晦冥時有音樂出洞外鄉人沿崖至其顛遇二人對弈翼日再造遂不復見衆異之刻六洞仙像禱祈響應嘗有校尉歲旱乞靈茹暈而往未至有蜂數百若將螫之竟不得達對面南山有三大石室中室有石龍在雲霧中如斲如畫山上有仙篆甚奇蔡君謨釋云貧道守一中有不死術九字龍口出泉鑿井貯之不竭不溢貫于四時

陳山在縣南十一都中有石龍山如龍形循山之脊有路俗呼

卷六

七

求放心齋

登石龍通興化則山十八摺通福清則溪十八灣

白鶴仙巖在縣北十九都巖極高秀有瀑布泉相傳仙人煉丹于此白鶴飛來守丹鼎故名禱雨謁夢多靈應

林學蒙宅在龍門山學蒙從朱子遊築室講學不求仕進弟學履亦遊文公之門

朱廷傑墓在桑溪原廷傑崇寧進士建炎中攝濰州倅金人入寇官屬奔遁廷傑獨堅守不去城隅有水投以野葛虜飲之多死俄而城破廷傑死之有詔賜塋祭

梁巖老宅在縣南巖老政和進士靖康間金人犯關金虜欲臣之不屈虜怒囚僧舍中巖老每飯必留其餘居久之挾乾糲

南奔全節而歸高宗嘉之除直秘閣知泉州尋卒

荆嶺在二十四都有鋪

藍田巖在二十三都有朝元閣

曹溪巖在二十都上摩蒼穹下臨深澗有一逕僅可著足相傳有張趙二仙經此上有仙竈仙厨云

龜嶺廟在縣西南二十八都宋時有大夫黃裳者與元兵接戰至洪面爲追兵所斬大夫英勇異常手持頭就頸口尙噴噴欲言遇一媪忽出聲頭斷可續乎媪答不能遂仆于地鄉人異之爲立廟于辜嶺寨

龍門三灘在縣西三十一都灘之最險者永陽西溪有三門倒甕東溪有北港石埭皆險灘舟子憚之

銀鳳宮在縣西南二十九都雙峯峙立如筆架然宮後巨石有仙人跡

涿門巡司在縣西三十三都 國朝洪武初設巡檢司置戍獅子宮在三十三都石壁臨溪峭聳百丈中有一穴天成因構宮其內

湫口渡在三十五都距縣最遠高峯絕頂坦然一坵秀雅可愛有烏石宮 明陳薦夫詩高嶺幾千重登攀足已慵雷聲巖際瀑濤響澗邊松鳥道緣蒼壁虬枝倒碧峯上方知不遠雲際起疎鐘

香泉井在二十七都

嵩陽渡在三十三都

葛嶺鋪在縣東五都

石壁在四都占讖云天寶石移瑞雲來期龍爪花紅狀元西東
宋乾道間天寶瑞雲寺後巖石橫山而行齧地成溪既而石
上復生龍爪花是年蕭國梁大魁繼而黃定又魁天下

太原石在十一都太原山上俗呼大王按閩中記唐太初中縣
令王君秩滿去縣艤舟于此令因縣人留餞夜深未至其室
人題詩石上宋政和中令陳武佑命工刻石歲久磨滅惟太
原二字尚存 唐王令室人詩何事潘郎重別筵離心未斷

卷六

九

妾心懸太原灘上相思處猿叫山山月滿船

湖汰潭在縣治西溪灘石湍悍惟此湖漫衍緒而爲潭時有龍
見其中宋寶祐元年邑令楊子威荆龍廟于潭之側今廢故
址尚存 明陳薦夫晚次汰口倚棹入桃花源平蕪日正昏鶯
啼臨水樹舟度隔雲村古寺殘鐘斷孤城戍角喧客心當此
際愁絕豈堪言

東新橋在待旦里卽汰口橋也其旁有疑駮亭在際雲院中宋
提刑蘇舜元嘗憩此邑人更名爲蘇老亭 宋元絳題蘇老
亭蘇老行諸郡多爲洒落遊靜心山共止動意水俱流赴社
思陶令翻經約謝侯高風誰復繼明月上西樓

方廣巖在縣東七里舊保安里五代漢乾祐二年建寺後燬
國朝永樂十四年重脩其山峭拔千仞上有石室可庇千人
內構室三重不假片瓦宋時黃非熊讀書其中嘗撫山中十
奇各有詩刻于石有聯云石室雲開見大地山河三千世界
水簾風捲露半空樓閣十二欄杆十奇謂玉泉洞瑞松塢鐘
磬石聽泉巖瀑布泉懸巖千丈散若瑤瓊響如琴瑟龍樹巖
靈羊谷龍尾泉有石如龍貫巖洞中潑潑然僅見其尾有泉
沿尾而下注于石盆不盈不涸望仙臺清音洞又有星巖仙
掌仙樹仙牆仙芝石門石筍石竈石田石燈觀音影咸若天
成靈境奇觀無兩者巖之路口有井曰白龍其泉甘冽瀹茗

卷五

求放心齋

號第一泉萬曆庚寅林太守春澤子應起募建空華閣于巖
之下林應憲書方廣洞天四大字刻于石 宋黃非熊方廣
巖十景詩百尺寒泉漱玉鳴洞門斜入石廊橫烟霞不改古
今色山水無閒朝暮聲窺洞野猿懸樹立驚人呦鹿上崖行
有時寫盡琴中趣風定千林月正明 誰種靈松近佛家根
盤深塢門猛蛇風吹碧落雙龍動月照黃昏兩蓋斜十里雨
聲喧洞壑半空清影浸雲霞山僧半夜頻來賞只恐春來起
瓜牙 臺前高嶽宅神仙疊石誅茅對碧巔雲霧不分人去
路管弦長動雨來天彩鸞呼侶歸殘照野鶴啣花下紫烟誰
在蟠桃最深處劉郎風骨已雙全 碧巖孤在嘯猿峯高挂

藤蘿十里松三面石山橫壘嶂一株松樹倒蟠龍風雷括地
孤蹤澁日月摩空翠影重憑仗高僧好珍重看看雷雨化靈
蹤 龍頭何在尾猶存定向天中飲漢源且注靈泉清洞府
未呵甘雨活乾坤半空飛下珠千顆平地澄來玉一盆寂寞
雲山非我宅九河高處是吾門 一雙鐘磬本天成垂在雲
中左右屏平地望來分大小上方敲處震雷霆名從得後聲
還異景欲彰時物自靈幾度夜深催月落蒲林妖怪立泉局
萬籟澄空天地秋清音不斷日悠悠山前一片月留影石
上幾番僧白頭未必素琴方理性何須萱草始忘憂堪嗤朝
市區區者祇聽笙歌醉則休 靈羊別去幾何年尙有懸巖

卷天

七

求放心齋

舊谷存左右莫知歸穴路高低惟見去蹄痕千尋飛瀑垂峯
頂一洞寒雲鎖石門好是月明羣籟寂幾聲閒答樹頭猿
羣山如削水如繩一洞清音氣味凝風送松聲歸遠壑日移
雲影下垂藤林僧倚杖看泉脈野客橫琴坐石稜回首碧巖
鐘動處雲臺猶在最高層 萬丈巖頭瀑布垂玉虹拖地雪
霏霏聽來始訝青天漏望去還驚白練飛一洞清聲喧碧落
千巖寒色逼斜暉終歸大海成波浪權借山僧濯布衣 曾
訪神仙巖洞來人言偉觀似天台藤蘿足下猿猱嘯鐘鼓聲
邊日月開燈續佛光凝紫翠雲將蜃氣作樓臺最憐貫石神
龍尾猶帶天東雨露回 上方樓閣倚空明磴路如天鳥亦

驚屋上石巖常欲墜，簷前瀑布不能晴。龍湫千古風雷氣，山殿六時鐘磬聲。最愛白雲飛不上，半山飄泊伴行人。明林鴻詩。玄巖太古色，恍若入鴻濛。一逕躋攀盡，諸天杳靄中。雲歸山殿冷，月出水簾空。境靜無言說，泠泠松桂風。王恭送陳景明登方廣巖。閩山西來多法園，溪西一道通仙源。靈花貝葉紛相映，道林鑿齒皆清言。遙巖二月霜花積，千丈垂蘿裊烟碧。水簾風捲半空寒，石室雲來萬山白。真僧不見賓頭盧，片月孤峯色相攏。六時天樂聞鐘磬，百尺風潭寫畫圖。仙舟此別饒佳趣，豈學悠悠尙平去。林僧定掃壁間苔，山人況有驚人句。鄭善夫方廣巖觀從兒戲入靈羊谷共有方巖

卷六

三

求放心齋

興鳴橈入永陽，山疑子午谷。水是武陵鄉，石室羅星漢。風泉積混茫，直尋前代蹟。多見昔人狂，龍德存幽渺。神功大晦藏，會須尋白鹿。莫倚過靈羊，采秀青林杳。看雲白晝長，尙逢慕道者。爲彼出幽方。高起宗題方廣巖。巍巍樓閣倚雲邊，勝槩真成別洞天。巖畔夕陽斜帶雨，望中晴樹遠含烟。長松鶴唳翻秋壑，曲磡龍歸響夜泉。浮世茫茫無住著，何時投跡謝塵緣。王振詩。偶從仙客陟靈巖，萬壑千峯入望看。洞裏雲歸山色暝，簷前泉瀉雨聲寒。一輪明月禪心靜，半榻清風客夢殘。何日終南看捷徑，也隨環佩綴鴟鴞。邱斌詩。閩山有絕頂，方巖最上岑。攀蘿躋石磴，倚樹望珠林。月色澄秋鏡，松

聲響夜琴慙忘塵俗態向此一登臨 陳鳴鶴詩幽邃全無
日鴻濛別有天水簾懸絕澗石室倚層巔鶴唳松門下僧歸
夕照邊塵寰如可謝高枕荅風烟 古洞無塵跡禪房閉落
花晚鐘猿禮塔遠水雨燒畚孟滴龍頭水鑄鳴雀舌芽老僧
行脚久閒坐說流沙 徐燧遊方廣巖絕頂方廣華嚴地神
州一洞天寺藏青嶂裏路遶白雲邊氣候晴兼雨峯巒斷復
連樹枝多擁腫蘿磴自盤旋猿嘯聽經石龍生洗鉢泉水簾
天際捲鐘乳半空懸人出塵寰外巖開混沌前金身餘五百
世界度三千淨室隣飛瀑沙彌種石田空門灰幾切削壁字
何年谷有靈羊險山從鳥道緣地偏堪避世境寂可安禪貝

卷六

三

求放心齋

葉飄香界曇花落法筵桑門同客饌石榻伴僧眠已得澄心
訣渾忘俗累牽探奇情未已躋險興翩然披莽尋支徑捫蘿
到上巔畏途猶巖磔側足更迤邐不丁聲俱喘蹣跚膝在肩
聳身摩斗柄迴睇盼雲烟遠水看如帶重岡小似拳祇疑天
闕近還聽谷聲傳客有元暉趣僧如支遁賢從茲尋覺路長
此奉金仙 陳价夫方廣巖春陽動微暄汀草淒以綠捨舟
遵岑崖名勝寄幽曠條風散餘藹曉露猶在竹徑轉疑路窮
途危詫行肅緣藤臨絕澗倚石眺平陸履險亦忘疲經奇每
駐足遙瞻最高頂隱隱蔽雲木草閣四五楹輦飛暎川麓片
石覆層巔穹窿如邃屋上有百丈身霏霏洒瑤玉靈羊出何

代棲止尙有谷石門競天巧兩兩相排伏山僧喜客來吹黍
早已熟作禮對法王清齋薦葵菽朝從樹杪行暮卽雲中宿
欲隱豈須招所居安事卜吾將抗箕穎詎只羨濠濮寄語同
懷人胡爲嘆羈束 又再遊方廣巖石室何年隱鷲峯青蓮
高跨碧芙蓉靈羊洞古棲馴鶴洗鉢泉清制毒龍折卉共尋
奇絕處摩厓爭覓舊遊踪回看咫尺塵中路已隔烟霞數百
重 徐焞方廣巖尋山踏遍萬峯尖竹杖芒鞋草露沾鳥道
百盤通古閣虬枝千仞接危簷石巖蔽日開成屋瀑水懸空
噴作簾夜冷雲堂孤磬動靜聽方衲禮華嚴 路轉天關觸
石稜懸厓高敞白雲層鬼工未識何年鑿佛土應從此地興

卷三

十四

求放心齋

蒼蘚密封前代刻碧泉寒洒半空燈重來却被山靈笑共載
方知兩度登 重岡複嶺斷還連開鑿曾聞慶歷年谷傍晴
壑斜受日巖懸全瓦不分天聽經每點空潭石洗鉢常流別
澗泉拂拭同遊舊題刻姓名半已蝕蒼烟 花雨空中散妙
香石樓鐘響扣寒霜神工斲木留金相佛影依巖現實寶光石
罅泥深巢海燕峯腰路絕避靈羊夜深借得雲房宿明月誰
知定上方 陳仲溱古洞盤旋好巉巖勢欲頽樹垂羅漢果
花覆祖師臺嵐氣紛成雨松聲巨若雷山僧自清淨長日卧
莓苔 疊嶂連雲起層巖不可攀鳥飛清竊外人語翠微間
澗水冰綃掛山門烟樹關忽聽孤磬響僧自萬峯還 謝肇

溯遊方廣巖鳥道千盤一徑微竹林蒼翠濕人衣風傳絕壑
初聞磬室倚懸巖不掩扉石底暝雲排榻入空中晴雨作簾
飛秋深燕子還相戀棲盡寒巖不肯歸 峯如懸玉路如繩
行到諸天幾百層巖做全吞松杪寺林幽時吐夜深燈泉滋
洞裏長生樹雨濺牀頭入定僧閒倚闌干看下界半空烟霧
鎖蒼藤 虛堂高枕北風涼返景時看過隙光雲繞千峯迷
怖鶴路危一線度靈羊壁間留影全身化簷際懸空石乳香
半夜鐘聲千谷響山魃驚起禮空王 五丁開鑿是何年巖
作屏風石作天松塢犬迎黃葉吠竹窻僧共白雲眠蝸涎半
蝕前朝字龍首斜飛遠澗泉塵世慙無邱壑分此身聊結此

卷五

五

求放心齋

山緣 曹學佺方廣巖列石局靈境方巖貯梵宮龍蛇盤頂
上鳥鼠走壇中香閣虛臨北珠簾側挂東近昏纔返景入夏
屢陰風樹傍深苔起泉由倒縷通於斯懷迥異亦可悟真空
林壁厓在縣東大溪之濱有厓赤色壁立于上奇秀可愛元王
翰刻赤壁二字于石 明陳仲溱赤壁瀨客路纒經日舟行
入幾重載流多是石繞岸半爲松潭影搖空翠灘聲急暮春
一樽聊自適看盡絕奇峯 欲向靈巖去因之瀨水遊松蘿
依岸轉鷓鴣傍人浮石壁雲常挂晴嵐雪自流仙源應不遠
於此暫停舟

大小妃山在七都舊傳越王葬二妃于此一在可杭道旁一在

羊埔山麓

武狀元坊在八都鄭洋爲宋江伯虎建今廢伯虎初名南強登
淳熙五年武舉第一唱名日御筆更今名十一年又登甲科
弟伯夔十四年武舉第二

天臺山在八都其山高峭相傳有仙居之山半有解院

龍泉山在三都古靈陳氏先塋在焉元總管王翰子檢討偁俱
塋茲山山有小雄澗及仙巖二龍潭甚奇 明王偁遊小雄
澗陰島變殘雪流澌吐溶溶偶尋一逕微獨與採樵同兩崖
濕花霧衆竅吟天風雲根濯苔髮亂篠相冥濛盤巖折磴道
似覺冥按窮石門忽中斷曠望開烟叢蘿雨澤毛髮松栝清

卷夫

六

求放心齋

心胸了然青洲霞照影寒潭空始知人境外別有仙源通振
鳥揮片雲投情依遠鴻元棲極要眇神遊小崆峒真仙金鷲
蕊一室丹火紅勅授紫囊訣永期鸞鶴蹤却憶望城市白日
氣埃中 又尋仙巖二龍潭值風雨昔人洗玉髓幽洞驅龍
耕丹成輟瑤采成此秋水泓飛崖夾兩鏡洞見雲霞生百鬼
不敢啼雌雄常夜鳴有時湍瀨寒幾曲流璫瑛清秋墜蟾影
白日聞雷聲偶茲訪靈奇掃石窺清泠洗心盟鷗鷺濯髮解
冠纓長風動懸蘿颯爽毛骨輕飛雨灑然至萬壑秋冥冥歸
途檉桂影了了心目醒到來興未已石室披丹經 陳仲溱
遊龍塘幽溪四五里豁目羅青葱羣峯秘靈蹟亂石鑿鬼工

行行隱霧裏步步流泉中位置狀不一屈折巧相通映徹明
絢綺照耀倒蒼穹幽禽雜嘍鳴古篆半蒙籠兩畔異花塢四
團修竹築泉赴千尺潭日射百丈虹轟騰奮地雷飛洒生天
風驚恠蛟龍窟黠淡魑魅官敷坐半晌時從前緣慮空

鴈湖有寺在縣東一都相傳越王田獵于此又名觀獵其地與
侯官龍湖山伊邇元王翰鴈湖詩鴈去湖空野水深秋風
吹客上遙岑丹楓盡逐孤臣淚黃菊空憐處士心雨後諸峯
浮夕靄霜前一葉送寒陰停車欲問當年事尺素何由到上
林江海風波浩不收却來此地駐清遊上方樓閣通三島
別墅烟霞卜一邱書斷雁歸沙塞遠丹成龍去鼎湖秋悠悠

卷夫

七

求放心齋

此意憑誰問陳迹空餘萬古愁

王翰宅在觀獵翰靈武人爲潮州總管佐陳有定爲元駐守有
定敗隱觀獵與處士吳海友洪武初再奉辟書遂自引訣

徐勣謁王用文祠孤臣誓與國存亡猶有芳祠寄永陽匣裏
芙蓉秋嘯雨樹頭杜宇夜啼霜古今過客尋遺墨伏臘雲孫
薦甲香故老尙能譚往事庭前片石獨蒼蒼謝肇淛謁王
用文祠迴合溪山暮靄疑孤臣遺廟肅香燈春魂已化啼鵑
血故里猶傳下馬陵萬壑松楸淒雨露四時蘋藻薦雲仍乾
坤有主菟裘在泪洒西風感廢興又王孟敷故居青山十
里隱孤村百口環居盡子孫六月霜飛宛未雪一溪雲護宅

長存堂前鴟吻經風脆壁上嶽書蝕蘚昏獨有遺文未零落
韋編留得墨花痕

靈惠廟在三都大漳鎮神姓陳唐元里第溪人饒于貲急人之
困沒而靈顯里人祀之

枕峯寺在縣東八十里又有上林寺在一都 元王翰詩石磴
招提古松蘿暝不分排雲雙樹轉隔水一鐘聞林影疑殘雨
山光倚夕曛醉來歸路遠秋思正紛紛

趙令生祠在一都令名博河南人正統間疏蠲荒田之稅民頌
其德故立生祠